

Среда, 12 февраль 1941 ар
13 № (824)
11-тй АРЗЭ ПОТЭ.
Дуныз: толэзьлы 45 коп.

УДАРНИК

ВКП(б)-лэн М-Пургинской
Райкомезлэн но Райсоветлэн
органы.
(Адрес: с. М-Пурга, УАССР)

Кизён'ёсты планировать карон — ответственной уж

СССР-лэн Совнаркомез-лэн но ВКП(б)-лэн Центральной Комитетэзлэн „Колхоз'ёсын тысё культу-раосты планировать карон-лэн порокоз сярсы“ 1939 арын 28 декабре постанов-лены урожайностез азь-ланьын жутон ужын, кол-хозной общественной хо-зяйствоослэн кужмо будо-назы, колхозник'ёслэсь творческой инициативазэс жутонь туж бадзым зна-чение басьтэ.

Постановление потэмлэсь азьло тысё культураосты кизёнэз районной центрэн планировать карыса кол-хоз'ёслы сётлызы. Плани-рованылэн сыче порокоз вужмиз, со колхозник'ёс-лэн творческой инициати-вазылэсь азьланьын будон-зэ жегатэ но урожайностез азьланьын жутон п о н н а нюр'яськонын соослэсь ин-терессэс лябомытэ.

Соин ик партия но пра-вительство планировани-лэсь вуж порокозэ вош-тыса выль порокок тупа-тызы. Выль порокок'я кол-хоз'ёслы право сётиське асьсэлэн учкемзыя сётэм ор'я планэз нимаз-нимаз культураос'я люкылыса планировать карыны.

Колхоз'ёс лыдэ басыно луо сое, что планировать карыку одно ик эскероно, чтобы котькудиз культура государстволы обязатель-ствоя нянь сётон планэз быдэстонэз обеспечить мед кароз но колхозлэсь но колхозник'ёслэсь соизлы яке таизлы тысё культура-ослы куляськонзэс м е д быдэстоз.

Нимаз-нимаз культураос-ты планировать карон ку-лэ каре вань колхозник'ёс-лэсь активно участвовать каремзэс но соослэн уло-нысьтызы но ужысьтызы узыресь опыт'ёсты возма-тэмез. Сыче планирование жутэ колхозник'ёслэсь ини-

циативазэс но будэтэ азь-ланьын выль урожай понна нюр'яськонын интересэс. Кужмоятэ колхозлэн кивалт'ясьсызлэсь тысё куль-тураосты планировать ка-ронлы ответственностьсэс.

Кизён'ёсты планировать карон луэ бадзым но от-ветственной ужэн. Соин ик колхоз'ёслы нимаз-нимаз культураос'я план лэсьты-ны юртоно луо районьсы-тымы сельской хозяйство-лэн специалист'ёсыз—агро-ном'ёс.

Планэз лэсьтон огшоры канцелярской уж гинэ бвдл. Со бадзым творчес-кой уж. Выль урожай бу-дэтыны понна тодоно, кыт-чы но кыче культураосты кизёно. Агрономической тодон'ёс, пересь колхозник'ёслэн уланысьтызы опыт-сы, стахановец'ёслэн ужан опытсы—ваньмыз ик пла-нын возматэмын луыны кулэ. Соку гинэ со реаль-ной, жизненной планэн лу-оз но кужмо нюр'яськозы ваньмыз колхозник'ёс но колхозницаос сое уж вы-ль быдэстон понна.

Колхоз'ёслы кизёнэз пла-нировать карон борды кут-сконо одйг но жегатскы-тэк. Планэз лэсьтоно вань куляськон'ёсты но луон-лык'ёсты лыдэ басытыса. Планэз одно ик колхоз-ник'ёслэн общой собрания-зы эскероно, чтобы мед тодэз котькудиз колхозник но колхозница кыче уча-стоке ма кизёнэз но ма понна нюр'яськонзэ, кыче участок'ёсын ужанэз.

Райсоветлэн исполкомез-лэн решениез'я асьме рай-онысь ваньмаз ик колхоз'ёсын кизёнэз планировать карон уж быдэстэмын луы-ны кулэ 22 февральлэсь бере кылытэк. План'ёс юн-матскозы на райсоветлэн исполкомаз. Колхоз'ёс план'ёссэс лэсьтоно л у о озы, чтобы но кыче тупат'я-н'ёсыз но медаз нй луы.



Социалистической труд-лэн Героез академик Сер-гей Алексеевич Чаплыгин. ТАСС-лэн Фотоез.

Ужэ неудовлет-ворительноен лыд'яз

Воинствующий безбож-ник'ёслэн районной совет-сылэн 9 феврале конферен-ция ортчиз. Райсоветлэн отчетной дыр куспын ужа-мез сярсы отчетной док-лад лэсьтйз Желтикова эш. Со вераз, что районьн ор-ганизовать каремын СВБ-лэн 229 муртэн 17 первич-ной ячейкаосыз, со пблысь тямьсэз колхоз'ёсын. Кы-лдытэмын безбожник'ёслы заочно дышетскон курс, ку-даз дышетско 23 мурт. Антирелигиозной темаос'я ортчытэмын 34 лекциос.

Кбня ке кылын гинэ ве-раз Желтикова эш „10 лет УАО“ совхозысь первичной ячейкалэн умой ужамез сяр-сы, кудйныз кивалтэ Ду-бовиков эш. Мукет'ёсызлэн ячейкаослэн ужамзы сяр-сы номыре но вераны бз быгаты.

Отчетной доклад'я пре-ниын вераськызы Фролов („10 лет УАО“ совхоз), Иванов, Семеновых, Мерз-ляков (ВКП(б) райком), Хлыбов (леспромхоз), Чазо-ва (РОНО), Майларов (сред-няя школа) но воинству-ющий безбожник'ёслэн рес-публиканской советсылэн представителез Косолапов эш. Ваньмыз прениын ве-раськысь эш'ёс юн крити-ковать карызы райсоветлэсь азьло составзэ но азьлань-ын ужез умоятыны понна сёт'язы умоесь чектоп'ёс.

Конференция воинству-ющий безбожник'ёслэн рай-онной советэзлэсь ужэ не-удовлетворительноен ду-д'яз. Отчетной доклад'я кон-ференция решение кутйз.

Конференция бырийз рай-онной советэ та'че эш'ёсты: Ажимова, Бочкарев, Дубо-виков, Желтикова, Жидков, Иванов, Лукян, Пчелинце-ва, Семеновых, Хлыбов но Чазова.

Иностранной телеграммаослы обзор

Та берло нунал'ёсы Ан-глия но Германия куспын омырын жугиськонзылэн куд-ог оживлениез кутскиз. 5 феврале уин германской авиация Англилэн централь-ной но восточной район'ё-саз налет'ёс лэсьтйз. Вуоно-аз уе бомбаос куштэмын вал Лондонлэн районаз но страналэн юговосточной лю-кетаз.

Английской военно-воз-душной кужым'ёс асьсэ-лэсь удэрзэс направить ка-ро „вторжение базаослы“— немец'ёсын оккупировать карем территорииосы порт'ёслы бомбит. 5 феврале уин трос бомбаос куштэмын вал Дюссельдорф вылэ (Северо-западной Германия).

Ожмаськысь странаос ак-тивной операциос нуо мора вылын. Нуналлы быдэ ся-мен германской командова-нилэн сводкаосаз иворты-льське германской авиаци-ен английской пароход'ёс-ты выйтылэм сярсы. Ан-глийской торговой судо-ходстволэн министрз Кросс Лондоньн вераз, что али дыре английской торговой флотлэн ыштон'ёсыз йыл-тэм сярсы трос луэ.

Английской финансовой ужпум'я министр Кингс и Вуд общиналан палатаз вераз, что али Англия ну-наллы быдэ войналэн кулэ-яськонэзлы расховать ка-ре дас кык миллион фунт стерлинглэсь т р о с. Та лыдпус йылэ на.

Африкаысь вань фронт'ёсын англичан'ёс насту-пать каро. 4 феврале соос Ливийн бастызы Керена городэз (Дерны дорьсен запад пала сизьымдон вить километрын), нош сизьым феврале Бенгази столицаез но Киренаики главной пор-тэз (Восточной Ливия).

Восточной Африкаын ан-гличан'ёсын итальянец'ёсты зйбон котыр ласянь ик мы-нэ—Эритреяын, Абиссини-ын, Сомалиын. Туж г е с азинлыко мынэ наступать карон Эритреяын, отын али Керен город понна жугись-кон мынэ, кудйз луэ Агор-

датомилен но Асмара Эрит-реялэн столицаез город'ёс куспын сюреслэн жыныяз.

Албанской фронт'ёсын берло нунал'ёсы италья-нец'ёсын кутэм упорной контратакаос но кыче ре-зультат'ёс бз сётэ. Гречес-кой войскаос противникез улляса нимаз позициосты б а с ь т ы л о. Центральной фронтын грек'ёслы кылдйз кбня ке гурт'ёсты но раж-нейшой стратегической пун-кт'ёсты бастыны. Яр дуртй грек'ёс Валона порт дсры мыно.

7 феврале Токио (Япо-ния). Конфликтэз быдтон'я Таи но Французской Индо-китайлэн делегациосыз ку-спын переговор'ёс кутскизы. Переговор'ёс орточ япон-ской правительстволэн по-средничествеоз улсын, куд-йз вис'яз аслаз представи-теленыз иностранной уж-пум'я министрз Мацуокаез.

Американской печать ивортэ, что США-лэн офи-циальной адымиосыз выра-жать каро недовольствие. США-лэн правительствеоз эскере азьланьын японилы вуз'ёсты потгонэз ограни-чить карон'я выль ужрад'ёс.

США-ын али орчтысь-ке американской оружиез пунэмен яке арендае сётон сярсы законопроектэз об-суждать карон. Обсужде-ние орчтытьське одйг дыре представителёслэн палата-зы но иностранной уж-пум'ёс'я сенатской комис-сийн. Законопроектлы пу-мит луыса трос выступле-ниос шоры учкытэк пред-полагать каро, что боль-шинство голосэн палата сое юнматоз шуыса. Сенатской комиссийн юн пумит'ясь-кыса выступать карызы профессор Брид, генерал Вуд но мукет'ёсыз. Соос вераллязы, что та законо-проектэн сётиське прези-дентлы ноку луылымтэ паськытэсь полномочиос, куд'ёсыз кышкато США ез мировой войнае кысконэн.

СССР-лэн Верховной Советэзлэсь VIII-тй Сессияэ отён сярсы

СССР-лэн Верховной Советэзлэн Президиумезлэн

у к а з э з

Советской Социалистической Республикаослэн Со-юзылэн Верховной Советэзлэсь Тямьсэтй Сессияэ отё-но туэ 25 феврале Москва городэ.

СССР-лэн Верховной Советэзлэн Президиумезлэн Председателез М. КАЛИНИН.

СССР-лэн Верховной Советэзлэн Президиумезлэн Секретарез А. ГОРКИН.

Москва, Кремль. 4 феврале 1941 арын.

Мыным 60 арес тырмонэн валче зечкы-лан'ёс но поздравлениеос ьстэм вань органи-зациослы, группаослы но нимаз нимаз мурт'ёслы сьолмысьтым тау карисько.

7 феврале, 1941 арын.

К. Воршилов.



Английской тяжелой танк'ёс походын. ТАСС-лэн Фотоез.

ПАРТИЙНОЙ УЛОИ

ВКП(б)-лэн кандидатэныз беседаос

Устав—партийной улонэн незыблемой

О С Н О В А Е З
НЫРЫСЕТИ БЕСЕДА

ВКП(б)-лэн Уставаз выразить каремын туж бадзым организационной опыг, кудзэ партия люказ вань аслаз ужамез чоже, кудзэ люказы асьмелесь партимес кылдытсьёс Ленин но Сталин. Котькуд разделаз, котькуд пунктаз возматэмын партилен ленинско-сталинской организационной политикаез, кудыз обеспечить кариз самодержавилы но капитализмлы пумиг, рабочий класслэсь диктатуразэ завоевать карон понна, советской властез но социалистической общество лэсьтонэз юнматон понна нюр'ясыконны солэсь исторической вормон'ёссы.

ВКП(б)-лэн Уставаз верамын асьме партимылэн внутренней улонэз сярсысь, со сярсысь, кызы со кылдытэмын. Устав определять каре ВКП(б) радэ выль член'ёсты но кандидат'ёсты пыртон правилоосты, возматэ сое, кычөөсь требованиос сётисько котькудизлы коммунисты.

Партия котькуд коммунистлэсь, котькуд аслаз организациелэсь требовать каре уставез строго но неуклонно быдэс'яны. Организованной партия уставтэк улыны уг быгаты. Уставтэк ужаны быгато пазыськем кружок'ёс гинэ. Со озы ик вал кемалась дыре, ку Ленин но Сталин кутсызы большевистской партиез кылдытыны. „Шаг вперед, два шага назад“ нимо аслаз знаменитой книгаз, кудыз луиз большевистской партиез организационно дасянэн. Ленин жеч вера со сярсысь, малы кулэ партийной устав.

„Малы асьмелы азыло дыре устав'ёс кулэ бй вал? —гож'яз Ленин та книгаз.—Соин, что партия состоять карылиз нимаз-нимаз кружок'ёслэсь, куд'ёсыз но кычөөсь организационной связан но огазе герзаскемын бй вал. Кружокысь кружоке выжылон уж вал одиг „доброй волееныз“ гинэ соизлэн яке таизлэн индивидуумлэн, кудызлэн азияз бй вал но кычөөсь оформленной выражениез быдэслэн воляезлы“ (Ленин, соч., т. VI, стр. 310).

Куке партия кылдиз, соку солэн уставез но луиз, кудыз нырысьсэ кутэмын вал II-тй с'ездын, 1903 арын. Та с'ездын устав'я лек нюр'ясыконн жутскиз, шо-нергес вераса, солэн нырысетй параграфез'я, кудыз определять каре партия понна важнейшой вопросз: кинэ лы'яны кулэ партилен членэныз. Бератаз та нюр'ясыконн вормисен потызы большевик'ёс, куд'ёсыз туртскизы единой, юн огазеяськем, централизованной партия кылдытыны.

Революционной нюр'ясыконлэн ваньмаз этап'ёсаз асьмелэн партимы аслэсьтыз рад'ёссы юнмат'яллыз, партилэсь член'ёссы воспитывагы карылиз, котькудзэ аслэсьтыз организациез юнмат'яз, юн кивалтиськылэз ленинско-сталинской организационной принцип'ёсын но положениосын, куд'ёсыз выразить каремын партилен уставаз.

Кычөөсь со положениос? **Партия луэ рабочий класслэн азымынсь, сознатальной отрядэныз,** вооружить каремын революциелэз развитиелэсь закон'ёссы тодонэн но соин ик быгате рабочий класслэн нюр'ясыконныз кивалтыны. Соин ик партилен уставез требовать каре, чтобы ВКП(б)-лэн рад'ёсаз мед кутыськозы индивидуальной отборлэн основаез вылын азымынсь, коммунизмлэн ужелы преданной эш'ёс гинэ. Тини малы большевистской партия кылдэм бере ик Сталин эш аслаз „Пролетарийёслэн классы но пролетарийёслэн партизы“ нимо статьяз гож'яз: „...Асьмелэн партимы луэ крепость, кудызлэн бсэз усьтиське достойнойёс понна гинэ“.

Партия—рабочий класслэн организованной отрядэз луэ. Со спаять каремын волялэн, действительн но дисциплинален единствоеныз. Беспартийной массаосты организовать но сплачивать карыны понна, партия ачиз луыны кулэ организованностьлэн олицетворениеныз. Соин ик партилен уставез требовать каре, чтобы партилен котькуд членэз, ВКП(б) членэ котькудиз кандидат активн но мед ужалоз одйгаз партийной организациын но неуклонно улонэ мед пыртот партилэсь решениоссы.

Партия луэ рабочий класслэн организациелэн высшой формаеныз. Со кивалтэ трудящийёслэн ваньмыныз мукет организациосыныз. Рабочий класслэн диктатураезлэн вань системаз со главной, направляющей кужымен луэ. ВКП(б)-лэн Уставаз озы ик верамын: „Партия луэ трудящийёслэн вань организациоссылэн, кызы ке общественноёсызлэн, озы ик государственнойёсызлэн кивалтись ядроеныз.“

Партия луэ трудящийёслэн миллионной массаосынызы рабочий класслэн азымынсь отрядэзлэсь связёссы воплотениен. Асьме партимылэн кужыме но вормонтэмез луэ со бордын, что со юн, вис'ясыконтэм герзаскемын массаосын, со быгате массаосты оскытыны партийной решениослэн

шонерзылы но соосты сплачивать карыны партилен знамяез котыре. Тини малы партия кулэ каре котькуд коммунистлэсь массаослэн куаразылы сак кылзиськыны, соосты дышетыны, соослэсь дышеткыны.

Партия кылдытэмын **демократической централизмлэн** началосыз вылын единой уставен, единой кивалтись органэн во главе, меньшинстволэн большинстволы, нимаз-нимаз организациослэн—центры, улй организациослэн—вылыосызлы подчинениенызы. „Партиез организационно лэсьтонлэн кивалтон принципеныз луэ демократической централизм...“ (ВКП(б)-лэн Уставез, раздел III, пункт 18).

Аслаз рад'ёсызлэсь целостностьсэс но единствоэс возман но юнматон понна партия котьку орчтылыз но орчтыт единой пролетарской дисциплинаез, кудыз партилен ваньмызы член'ёсызлы одйгады обязательной луэ. Партия требовать каре непримиримо нюр'ясыкыны оппортунизмлэн проявлениосынызы, партилэсь программазэ, тактиказэ, уставзэ котькычэ нарушениосын.

Асьмелэн партийной уставмы троспол воштылэмын но ватсаллямын ни. Революционной нюр'ясыконлэн пёртэм этап'ёсыз, исторической обстановкалэн но политической задачаослэн воштыськемылэн соответствыны, партия перестраивать карылиз аслэсьтыз рад'ёссы, аслаз организациосылэсь ужан формазэ но метод'ёссысэс вош'яллыз, уставлэсь вужмем положениоссы воштылиз, выль положениосты пыртылиз. Нош со воштыськон'ёс но дополнениос ноку но касатэсь бз карыськылы большевизмлэсь организационной принцип'ёссы, куд'ёсыз гождэмын уставын.

Котькуд коммунистлэн обязанностез—аслаз партиезлэсь уставзэ тодон но улоны соин последовательно кивалтиськон. Соку партилен асьме странаы коммунизм лэсьтонэн но трудящийёсты коммунистически воспитать каронэн кивалтонэз азинлыко быдэс'ясыкоз.

Г. Борисов.

Комсомолец—азымынсь

Ижевск—Сарапул трактэз лэсьтонны ужась „Юж-Пурга“ колхозысь комсомолец Игнатъев Иван ужа. Ужаны котькинлэсь азыло потэ, кблы нуллонын нормазэ ятырен быдэс'я.

Н. Хохрянов.

Котьмар сярсыз вакцияк

„Юж-Пурга“ колхозысь колхозник ёс государстволы 1941 арын культсбор но самообложение тыронзэс 3 февраль азелы 100 процентлы быдэстизы. Коньдон тыронзэс быдэсто ни „Шормуч“ колхозысь колхозник'ёс но.

„1-й май“, „Дружный“, „Виль гурт“, „Янгалиф“ колхоз'ёсысь кивалтисьёс но колхозник'ёс коньдон огазеян планэз дыраз быдэстон вылысь уг сюлмасыко.

В. Шибанов.

Ст-Моньинской сельсоветысь „Горд Пельга“ колхозысь колхозник'ёс Иванов Николай но Васильев Иван Уромской лесопунктэн 135 кубометр нюлэс ворттыны договор лэсьтизы. Соос али нуналлы тупатэм планэс мултэсэн быдэс'яса ужало.

М. Ипполитов.

Гожнинской сельсоветысь „Каймашур“ колхозысь звеновод Иван Овчинников бакча сион'ёслэсь кылем арын выль урожай басытэменыз туэ ВСХВ-ын участвовать карыны кандидатэн юнматэмын. Овчинников эш туэ еще но узыр урожай басытыны дасяське. Соин ик со бакча сион'ёслы тырмыт кидыс дасяз ни. Кылсярсысь кляр кидыс 10 килограмм, кубиста 350 грамм, помидор 200 грамм но мукет'ёссы.

И. Белоусов.

Пытцамской сельсоветысь „Победа“ но „Свободный труд“ колхоз'ёсысь колхозник'ёс 1941 ары самобложение тыронзэс 100 процентлы быдэстизы.

Нош „Красный факел“, Ворошиловлэн нимыныз нима колхоз'ёслэн кивалтисьёсы Каргашин но Михайлов эш'ёс та удысын урод ужало.

М. Смолин.

Газет'ёсты ыштылэ

„Горд Пельга“ колхозлэн письмоносецез Н. Васильев аслэсьтыз ужзэ уг быдэс'я. Газет'ёсты подписчик'ёслы ваньзэ уг люкылы, соин ик колхозник'ёс газет'ёсты вань номер'ёссы уг басыто. Чем дыр'я газет'ёсты 3—4 номер'ёссы люкаса сёт'я.

Почтовой отделенилен агентэзы Максимов эшлы Васильевлэсь ужзэ эскерыса подписчик'ёслы газет'ёс-

Ильинской НСШ-ын кросс орчтытэмын. Кроссын 27 мурт комсомолец'ёс участвовать карызы. Ваньзы ик соос БГТО значеклы куасэн норма сдать карызы. Нырысь инты басытэмын Нюра Глатких, Анатолий Бухарин во Виктор Шадрин. Соос тупатэм дистанциез 17 минутскын орчтызы.

А. Тетеревинова.

Ю кизён азелы „Светлый труд“ но „Победа“ колхоз'ёс (Пытцамской сельсовет) дасы ни. Кидысы тырмыт дасямын, сое сортировать карон та нунал'ёсы быроз. Сельскохозяйственной инвентар'ёсты ремонтировать карон йылпум'яске ни.

К. Семенов.

„Безбожник“ колхозлэн председателез С. Иванов ю кизён азелы дасяськыны побольшевистски бз кутскына. Сельскохозяйственной инвентар'ёс колхозын уг тырмы. Нош колхоз правление соосты утчаны вылысь номыр но уг лэсьты.

М. Тимкин.

„Каймашур“ колхозлэн али но кутсасыконэз быремын ёвёл на. Колхозник'ёс уже уг потало. Трудовой дисциплина куашкамын. Колхозлэн правлениез (председателез М. Фёфилов) колхозын котькычэ хозяйственно-политической кампаниосты дыраз но побольшевистски быдэс'ян понна ичи сюлмасыке. Ужлэн ответственной дыраз Ижевск городэ мыныса дырзэ юнме быдтэ.

И. Белоусов.

Гожнинской сельсоветысь „Дружба Народов“ колхозлэн председателез А. Лукин уставез тйя, мукет колхоз'ёсысь колхозник'ёсты дунэн мед'яса ужат'я. Озы со ужамзы понна пызы но коньдон сётэ.

Д. Омегов.

ты дыраз вуттон сярсысь ужрад кутон.

М. Ипполитов.

Талэсь пёртэм ик уг ужа „Каймашур“ колхозысь письмоносец З. Овчинникова эш но. Газет'ёсты чем дыр'я ыштылэ. Колхоз правление Овчинниковалэн таке уж'ёсыныз примириться карыське.

И. Белоусов.

Лекциос луозы

14-тй февралье жыт 7 часын, М-Пурга селоын Партакabinetлэн помещенияз „Большевик'ёслэн партизы социалистической общество лэсьтонэз быдэстонны но конституцез улонэ пычатонны“ темаен но 15-тй февралье жыт 7 часын РДК-лэн помещенияз „Семья,

брак но яратон“ темаен лекциос луозы.

Лекциосты ВКП(б) Обкомлэн лекторез Фонарев эш лыдзоз. Билетлэн дуныз одиг манет. Билет'ёс ВКП(б) РК-лэн пропаганда но агитация отделаез вузасыко.

Редактор—В. Тимофеев